

*ton*, olim Collegium in divinum cultum à Guiljelmo *Craſſo* Albemariæ Comite institutum, & *Barton*, ubi trajectus est in provinciam Eboracensem celeberrimus. Iuxta *Ankam* fluviolus fæculentus, & ideo anguillarum ferax, in *Humber* exoneratur, prope cujus fontes est *Merket-Raſin*, à foro quod ibi non infrequens sic dictum. Superius adſident *Angorby*, nunc corrupte *Oſgodby*, olim familiæ de *S. Medardo*, à quibus ad *Airminos* hæreditario descendit, & *Kelſay*, quondam *Hanſardorum*, qui magni fuerunt nominis in hoc Comitatu, à quibus ad equeſtrem ſtirpem de *Aſbcough* jure conjugali devenit. Deinde vero *Ankam* ponte conjungitur ad *Glanford* tenuem mercatum, quem vulgus, à ponte, *Brigg* vocat, vero nomine pene obliterato. Proxime hunc intra roborarium *Kettleby*, cernitur familiæ *Tirwhittorum* equeſtri dignitate præclaræ ſedes, olim vero ut ex nomine colligas, ketelli cujuſdam (quod nomen erat uſitatum Saxonico & Danico ſeculo) habitatio. *Bye* enim habitatio & *Byan*, habitare Saxonice ſignificat, unde tot loci & alibi in Anglia, & præcipue in hoc Comitatu in *Bye* terminantur.

Toto hoc tractu ſtatis temporibus, (ut piſces taceam) Deus bone, quanta copia abundant aves, non illæ vulgares quæ ſummo ſunt alibi pretio querquedula, coturnices, gallinagines, phaſiani, perdices, &c. ſed quas non eloqui eſt ore Latino, ipſiſſimæ menſarum deliciæ, & heroum dapes gulæ proceribus expetitæ, *Puittes*, *Godwits*, *Knotts*, id eſt *Canuti aves*, ut opinor, è Dania enim advolare creduntur, *Dotterells* ob delirantem ſtultitiam dictæ, quæ imitatrices aves ad lumen candelæ pro aucupis geſtu capiuntur, ſi is brachium extendit, expandunt & illæ alam, ſi is tibiam, & illæ itidem; breviter, quicquid agit auceps, idem facit & avicula, donec reti obvelatur. Sed hæc illis obſervanda relinquo qui vel naturam ſedulo venari, vel qui abdomini nati cenſum gulæ demergere gaudent.

Magis ad Occaſum in *Humbrum* etiam *Trenta* flumen longo conſecto curſu ſuſcipitur quum à *Foſſedike* fabuloſa ripa hunc agrum terminaverit, delapſus primum haud procul à *Stow*, ubi Godiva uxor Leoftici Comitis Monafterium conſtruxit, quod ob inferiorem ſitum *ſub colibus*, *ſub promontorio* *Lincolniæ* poſitum dicit H. Huntingdonenſis. Inde prope *Knat* habitationem nunc Baronis *Villoughby* de *Parrham*, olim familiæ Baronum de *Darcy*, quibus plurimum cum honoris, tum poſſeſſionis per filiam & hæredem de *Meinill* acceſſit. Profluxit hæc Darciorum familia ab antiquiori, à quodam ſcilicet cui nomen Normannus de *Adrecy* ſive *Darcy de Nocton*, qui ſumma æſtimatione floruit ſub Henrico Tertio, cujus poſteri monaſteriolum ſacrarum virginum ad *Alvingham* in hoc Comitatu dotarunt. Sed dignitas hæc quaſi extincta, cum Normannus ultimus in recta linea antiquiori, duas tantum reliquerit ſorores, quarum altera Rogero *Pedwardino*, altera P. de *Limbergho* in uxorem data fuit.

Inde *Trenta* ad *Gainesborow* decurrit, Danicorum navium ſtatione, & Sueni *Tiugskege* Danici tyranſati nobile oppidulum, qui illic poſtquam regionem diripiſſet (authore Matthæo

Westmonaſterienſi) ab incerto quopiam conſoſus meritas ſcleris pœnas demum perſolvit. Multis poſt ſæculis poſſeſſio erat Guilielmi de *Valentia* Comitis Penbrochiæ qui jus feriæ ab Edwardo Primo obtinuit, à quo Comite per Atholæ Comites Scotos, & *Percios*, profluxerunt Barones de *Bourough*, qui hic habitant, de quibus antea in Surreia. In hac Comitatus parte olim fuit urbs *Sidnaceſter*, quæ ſedem episcopis hujus tractus præbuit, qui *Lindiffarorum* dicti fuerunt Episcopi, verum ita jam diſparuit, ut cum nomine ipſæ etiam ruina periiſſe videantur. Nec prætereundum, quod in hoc tractu apud *Mellwood*, floret clara & equeſtris familia de *S. Paulo*, *Sampoll* corrupte vocant, quam ſemper exiſtimavi fuiſſe ex antiqua Caſtilionea ſtirpe Comitum de *S. Paulo* in Gallia: ſed *Lucemburgica* quæ geſtant inſignia aliud innunt, nimirum è Gallia deveniſſe, ex quo ſtirps illa Caſtilionea de *S. Paulo* (quod ante ducentefimum plus minus annum accidit) per nuptias *Lucemburgicæ* fuerit inſita.

Super hoc *Trenta*, *Idell*, & *Danus* flumina ita ſuis aquarum divergiis (Fontini verbo utor) ludunt, ut Inſulam amnicam *Axelholme*, Saxonice *Eaxalholme*, quæ *Lincolniensis* agri pars eſt, amplectantur. Longitudine x mil. ab Auftro in Septentrionem, latitudine dimidio minor patet. Quæ humilior ad flumina paluſtris eſt, & fruticem odoriferum (*Gall* vocant) profundit: in media, quæ leviter ſurgit, ferax eſt, & fertilis, linumque magna copia præbet, nec non *Alabaſtrem*, qui tamen minus ſolidus albariis & emplaſtris magis, quam aliis uſibus convenit. Præmarium oppidum olim *Axel*, nunc *Axey* vocatur, unde adjectione Saxonice dictioſis *Holme*, qua pro inſula amnica uſi ſunt, nomen proculdubio conſtat. Sed oppidum vix dici meruit, ita ſparſim habitatur: caſtri tamen aream oſtendit, Baronum bello demoliti, quod ad *Mowbraios*, qui tunc magnam inſulæ partem poſſederunt, ſpectavit. Anno *MCLXXIII*, ſcribit vetus Chronographus, *Rogerus de Mowbraio à fidelitate Regis Senioris recedens, in inſula Axelholme ad Kinard ferry caſtellum ab antiquo dirutum reparavit. Ad quem multitudo Lincolniensium navigio tranſpecta, caſtellum obſedit, Conſtabularium & milites omnes ad deditioſem coegit, & caſtellum ſubvertit.* Superius eſt *Botterwic*, cujus dominum Edmundum *Sheffield*, primum ex hac familia Baronem *Sheffield de Botterwic*, creavit Rex Edwardus Sextus, qui vitam patriæ contra rebelles *Norfolcianos* profudit, cum ex Anna *Vera* Comitis *Oxonie* filia ſuſcepſiſſet Ioannem Baronem ſecundum, patrem Edmundi, qui nunc floret *Georgiani* ordinis Eques honoratiſſimus. Magiſque ad Boream eſt *Burton Stather* ad alteram *Trentæ* ripam, de quo nihil memorandum hæcenus legi.

Comites ſuos *Lincolniensis* hic ager jactat poſt *Eggam*, qui anno *DCCX* floruit, & *Morcarum* Saxones, qui tantum officarii erant Comites, Guilielmum de *Romara* Normannum, cui deſuncto (nec enim filius qui ante partem obiit, nec nepos hoc titulo uſi ſunt) Gilbertum de *Gant* ſubſtituit Stephanus. Eo mortuo Simon de *S. Licio* *Juvenis*, filius Comitis Simonis (verba *Roberti Monteniſis*, qui ſub id tempus vixit, legis)

Barones de Bourough. Sidnaceſter.

S. Paulo.

Axelholme.

Gall frutex.

Alabaſtres.

Lincolniæ Comites.

2. H. 2.